


增壹阿含經

第二十六

二百六十八
聲香六

49437



增壹阿含經卷第二十六

符秦建元年三歲曇摩難提譯

等見品第三十四



聞如是一時尊者舍利弗在舍衛國祇樹給
孤獨園與大比丘眾五百人俱尔時眾多比
丘到舍利弗所共相問訊在一面坐尔時眾

多比丘白舍利弗言戒成就比丘當思惟何
等法舍利弗報言戒成就比丘當思惟五盛



陰無常為苦為惱為多痛畏亦當思惟苦空
無我云何為五所謂色陰痛陰想陰行陰識
陰尔時戒成就比丘思惟此五盛陰便成須
陀洹道比丘白舍利弗言須陀洹比丘當思

馨



惟何等法舍利弗報言須陀洹比丘亦當思
惟此五盛陰為苦為惱為多痛畏亦當思惟
苦空無我諸賢當知若須陀洹比丘思惟此
五盛陰時便成斯陀含果諸比丘問曰斯陀
含比丘當思惟何等法舍利弗報言斯陀含
比丘亦當思惟此五盛陰為苦為惱為多痛
畏亦當思惟苦空無我今時斯陀含比丘當
思惟此五盛陰時便成阿那含果諸比丘問
曰阿那含比丘當思惟何等法舍利弗報言
阿那含比丘亦當思惟此五盛陰為苦為惱
為多痛畏亦當思惟五盛陰苦空無我今時
阿那含比丘當思惟此五盛陰時便成阿羅

漢諸比丘問曰阿羅漢比丘當思惟何等法舍
利弗報言汝等所問何甚過乎阿羅漢比丘
所作已過更不造行有漏心得解脫不向五
趣生死之海更不受有有所造作是故諸賢
持戒比丘須陀洹斯陀含阿那含當思惟此
五盛陰如是諸比丘當作是學尔時諸比丘

聞舍利弗所說歡喜奉行

聞如是一時佛在婆羅奈仙人鹿野苑中尔
時如來成道未久世人稱之爲大沙門尔時
波斯匿王新紹王位是時波斯匿王便作是
念我今新紹王位先應取釋種家女設與我
者乃適我心若不見與我者當以力往逼之

尔時波斯匿王即告一臣曰往至迦毗羅衛
至釋種家持我名字告彼釋種云波斯匿王
問訊與居輕利致問無量又語彼釋吾欲取
釋種女設與我者抱德永已若見違者當以
力相逼尔時大臣受王教勅往迦毗羅衛國
尔時迦毗羅衛釋種五百人集在一處是時
大臣即往至五百釋種所持波斯匿王名字
語彼釋種言波斯匿王問訊慇懃與居輕利
致意無量吾欲取釋種之女設與吾者是其
大幸若不與者當以力相逼時諸釋種聞此
語已極懷瞋恚吾等大姓何緣當與婢子結
親其衆中或言當與或言不可與尔時有一

釋集彼衆中名摩訶男語衆人言諸賢勿共
瞋恚所以然者波斯匿王爲人暴惡設當波
斯匿王來者壞我國界我今躬自當往與波
斯匿王相見說此事情時摩訶男家中婢生
一女面貌端正卅之希有時摩訶男沐浴此
女與著好衣載寶羽車送與波斯匿王又白
王言此是我女可共成親時波斯匿王得此
女極懷歡喜卽立此女爲第一夫人時此夫
人未經數日而身懷妊復經八九月生一男
兒端正無雙卅所殊特時波斯匿王集諸相
師與此太子立字時諸相師問訊王已卽白
王言大王當知求夫人時諸釋共諍或言當

與或言不可與使彼此以離今當立名名曰
毗流離相師立号已各從座起而去時波斯
匿王愛此流離太子未曾去目前然流離太
子年向八歲王告之曰汝今已大可詣迦毗
羅衛學諸射術是時波斯匿王給諸使人使
乘大象往詣釋種家至摩訶男舍語摩訶男
言波斯匿王使我至此學諸射術唯願祖父
母事事教授時摩訶男報言欲學術者善可
習之是時摩訶男釋種集五百童子使共學
術時流離太子與五百童子共學射術亦時
迦毗羅衛城中新起一講堂天及人民魔若
魔天亦在此講堂中住時諸釋種各各自相

謂言今此講堂成來未久畫彩已竟猶如天宮而無有異我等先應請如來於中供養及比丘僧令我等受福無窮然後我等當入此堂長夜之中受福無窮是時釋種即於堂上敷種種坐具懸繒幡蓋香汁灑地燒衆名香復儲好水燃諸明燈是時流離太子將五百童子往至講堂所即昇師子之座時諸釋種見之極懷瞋恚即前捉臂逐出門外各共罵之此是婢子諸天世人未有居中者此婢生物敢入中坐復捉流離太子撲之著地是時流離太子即從地起長歎息而視後是時有梵志乎名曰好苦是時流離太子語好苦梵

志子曰此諸釋種取我毀辱乃至於斯設我
後紹王位時汝當告我此事是時好苦梵志
子報曰如太子教時彼梵志子曰三時白太
子曰憶釋所辱便說此偈

一切歸於盡 果熟亦當墮

合會必當散

有生必有死

是時波斯匿王隨壽在卅後取命終便立流
離太子爲王是時好苦梵志往至王所而作
是說王當憶本釋所毀辱是時流離王報曰
善哉善哉善憶本事是時流離王興起瞋恚
告群臣曰今人民主者爲是何人群臣報曰
大王今日之所統領流離王報曰汝等速嚴

駕集四部兵吾欲往征釋種諸臣對曰如是大王是時群臣受王教令即雲集四種之兵是時流離王將四部之兵往至迦毗羅越尔時衆多比丘聞流離王往征釋種至世尊所頭面礼足在一面立以此因緣具白世尊是時世尊聞此語已即往逆流離王便在一枯樹下無有枝葉於中結跏趺坐是時流離王遙見世尊在樹下坐即下車至世尊所頭面礼足在一面立尔時流離王白世尊言更有好樹樹枝繁茂足拘留之等何故在此枯樹下坐世尊告曰親族之蔭故勝外人是時流離王便作是念今日世尊故為親族然我今

日應還本國不應往征迦毗羅越。是時流離王即辭還退。是時好苦梵志復白王言。王當憶本爲釋所辱。是時流離王聞此語已。復與瞋恚。汝等速嚴駕集四部兵。吾欲往征迦毗羅越。是時群臣即集四部之兵。出舍衛城往詣迦毗羅越。征伐釋種。是時衆多比丘聞已。往白世尊。今流離王與兵衆往征釋種。今時世尊聞此語已。即以神足往在道側。在一枯樹下坐。時流離王遙見世尊在樹下坐。即下車至世尊所。頭面禮足。在一面立。今時流離王白世尊言。更有好樹不在彼坐。世尊今日何故在此枯樹下坐。世尊告曰。親族之蔭勝。

外人也是時世尊便說此偈

親族之蔭涼

釋種出於佛

盡是我枝葉

故坐斯樹下

是時流離王復作是念世尊今日出於釋種
吾不應往征宜可齊此還歸本土是時流離
王即還舍衛城是時好苦梵志復語王曰王
當憶本釋種所辱是時流離王聞此語已復
集四種兵出舍衛城詣迦毗羅越是時大日
捷連聞流離王往征釋種聞已至世尊所頭
面礼足在一面立尔時目連白世尊言今日
流離王集四種兵往攻釋種我今堪任使流
離王及四部兵擲著他方世尊告曰汝

豈能取釋種宿緣著他方世界乎時目連白
 佛言實不堪任使宿因緣著他方世界尔時
 世尊語目連曰汝還就坐目連復白佛言我
 今堪任移此迦毗羅越著虛空中世尊告曰
 汝今堪能移釋種宿緣著虛空中乎目連報言
 不也世尊佛告目連汝今還就本位尔時目
 連復白佛言唯願聽許以鐵籠䟽覆迦毗羅
 越城上世尊告曰云何目連能以鐵籠䟽覆
 釋宿緣乎目連白佛不也世尊佛告目連汝
 今還就本位釋種今日宿緣已熟今當受報
 尔時世尊便說此偈
 欲使空為地 復使地為空 本緣之所繫

此緣不腐敗

是時流離王往詣迦毗羅越時諸釋種聞流離王將四部之衆來攻我等復集四部之衆一由旬中往逆流離王是時諸釋一由旬內遙射流離王或射耳孔不傷其耳或射頭髻不傷其頭或射弓壞或射弓弦不害其人或射鎧器不傷其人或射牀座不害其人或射車輪不傷其人或壞幢麾不害其人是時流離王見此事已便懷恐怖告群臣曰汝等觀此箭爲從何來群臣報曰此諸釋種去此一由旬中射箭使來流離王報言彼設發心欲害我者普當死盡宜可於中還歸舍衛是時

好苦梵志前白王言大王勿懼此諸釋種皆
共持戒虫尚不害況害人乎今宜前進必壞
釋種是時流離王漸漸前進向彼釋種是時
諸釋退入城中時流離王在城外而告之曰
汝等速開城門若不介者當盡取汝殺之介
時迦毗羅越城有釋童子年向十五名曰舍
摩聞流離王今在門外即著鎧持仗至城上
獨與流離王兵共鬪是時舍摩童子多殺害
兵衆各各馳散並作是說此是何人爲是天
耶爲是鬼神耶遙見如似小兒是時流離王
便懷恐怖即入地孔中而避之時釋種聞壞
流離王衆是時諸釋即呼舍摩童子而告之

曰汝年幼小何故辱我等門戶豈不知諸釋
修行善法乎我等尚不能害虫況復人命乎
我等亦能壞此軍衆一人敵萬人然我等復
作是念然殺害衆生不可稱計世尊亦作是
說夫人殺害人命死入地獄若生人中壽命
極短汝速去不復住此是時舍摩童子即出
國去更不入迦毗羅越城是時流離王復至
門中語彼人曰速開城門不須誓留是時諸
釋自相謂言可與開門爲不可乎尔時弊魔
波旬在釋衆中作一釋形告諸釋言汝等速
開城門勿共受困於今日是時諸釋即與開
城門是時流離王即告羣臣曰今此釋衆心

民極爲非刀劍所能害盡盡取埋脚地中
後使暴鳥踏殺尔時群臣受王教勅即以爲
踏殺之時流離王勅群臣曰汝等速選好面
手釋女五百人時諸臣受王教令即選五百
端正女人將詣王所是時摩訶男釋至流離
王所而作是說當從我願流離王言欲何等
願摩訶男曰我今沒在水底隨我遲疾使諸
釋種並得逃走若我出水隨意殺之流離王
曰此事大佳是時摩訶男釋即入水底以頭
髮繫樹根而取命終是時迦毗羅越城中諸
釋從東門出復從南門入或從南門出還從
北門入或從西門出而從北門入是時流離

王告群臣曰摩訶男父何故隱在水中如今
不出今時諸臣聞王教令即入水中出摩訶
男已取命終今時流離王以見摩訶男命終
時王方生悔心我今祖父已取命終皆由愛
親族故我先不知當取命終設當知者終不
來攻伐此釋是時流離王殺九千九百九十
万人流血成河繞迦毗羅越城往詣尼拘留
園中是時流離王語五百釋女言汝等慎莫
愁憂我是汝夫汝是我婦要當相接是時流
離王便舒手捉一釋女而欲弄之時女問曰
大王欲何所為時王報言欲與汝情通女報
王曰我今何故與婢生種情通是時流離王

甚懷賻恚勅群臣曰速取此女兀其手足者
深坑中諸臣受王教令兀其手足擲者坑中
及五百女人皆罵王言誰持此身與婢生種
共交通時王賻恚盡取五百釋女兀其手足
者深坑中是時流離王悉壞迦毗羅越已還
舍衛城尔時祇陀太子在深宮中與諸妓女
共相娛樂是流離王聞作妓聲即便問之此
是何音聲乃至於斯群臣報言此是祇陀王
子在深宮中作倡妓樂而自娛樂時流離主
即勅御者汝迴此象詣祇陀王子所是時守
門人遙見王來而白王言王小徐行祇陀王
子今在宮中五樂自娛勿相觸嬈是時流離

王即時拔劍取守門人殺之是時祇陀王子
聞流離王在門外在竟不辭諸妓女便出在
外與王相見善來大王可入小停駕時流離
王報言豈不知吾與諸釋共闢乎祇陀對曰
聞之流離王報言汝今何故與妓女遊戲而
不佐我耶祇陀王子報言我不堪任殺害衆
生之命是時流離王極懷瞋恚即復拔劍斫
殺祇陀王子是時祇陀王子命終之後生三
十三天中與五百天女共相娛樂亦時世尊
以天眼觀祇陀王子以取命終生三十三天
即便說此偈

人天中受福

祇陀王子德

為善後受報

皆由現報故

此憂彼亦憂

流離二處憂

為惡後受惡

皆由現報故

當依福祐功

前作後亦然

或獨而為者

或復人不知

作惡有知惡

前作後亦然

或獨而為者

或復人不知

人天中受福

二處俱受福

為善後受報

皆由現報故

此憂彼亦憂

為惡二處憂

為惡復受報

皆由現報故

是時五百釋女自歸稱喚如來名号如來於

此生亦從此間出家學道而後成佛然佛今

日永不見憶遭此苦惱受此毒痛世尊何故

而不見憶尔時世尊以天耳清徹聞諸釋女

稱怨向佛尔時世尊告諸比丘汝等盡來共

觀迦毗羅越及看諸親命終比丘對曰如是
世尊今時世尊將諸比丘出舍衛城往至迦
毗羅越時五百釋女遙見世尊將諸比丘來
見已皆懷慙愧今時釋提桓因及毗沙門天
王在世尊後而扇今時世尊還願語釋提桓
因言此諸釋女皆懷慙愧釋提桓因報言如
是世尊是時釋提桓因即以天衣覆此五百
女身體上今時世尊告毗沙門天王曰此諸
女人飢渴日久當作何方宜毗沙門王白佛
言如是世尊時毗沙門天王即辦自然天食
與諸釋女皆悉充足是時世尊漸與諸女說
微妙法所謂諸法皆當離散會有別離諸女

當知此五盛陰皆當受此苦痛諸惱墮五趣
中夫受五陰之身必當受此行報已有行報
便當受胎已受胎分復當受苦樂之報設當
無五盛陰者便不復受形以無形像則無有
生以無有生則無有老以無有老則無有病
以無有病則無有死以無有死則無有合會
別離之惱是故諸女當念此五陰成敗之變
所以然者以知五陰則知五欲以知五欲則
知愛法以知愛法則知染著之法知此衆事
已則不復受胎以不受胎則無生老病死亦
時世尊與衆釋女漸說此法所謂論者施論
戒論生天之論欲不淨想出要爲樂亦時世

尊觀此諸女心開意解諸佛世尊常所說法
苦習盡道尔時世尊盡與彼說之尔時諸女
諸塵垢盡得法眼淨各於其所而取命終皆
生天上尔時世尊詣城東門見城中烟火洞
然即時而說此偈

一切行無常 生者必有死 不生則不死

此滅爲最樂

尔時世尊告諸比丘汝等盡來往詣尼拘留
園中就坐尔時世尊告諸比丘此是尼拘留
園我昔在中與諸比丘廣說其法如今空墟
無有人民昔日之時數千万衆於中得道獲
法眼淨自今已後如來更不復至此間尔時

世尊與諸比丘說法已各從座起而去往舍
衛祇樹給孤獨園尔時世尊告諸比丘今流
離王及此兵衆不久存世却後七日盡當磨
滅是時流離王聞世尊所記流離王及諸兵
衆却後七日盡當銷滅聞以恐怖告羣臣曰
如來今已記之云流離王不久在世却後七
日及兵衆盡當沒滅汝等觀外境無有盜賊
水火災變來侵國者何以故諸佛如來語無
有二所言終不異尔時好苦梵志白王言王
勿恐懼今外境無有盜賊畏難亦無水火災
變今日大王使自娛樂流離王言梵志當知
諸佛世尊言無有異時流離王使人數日至

七日頭王大歡喜踊躍不能自勝將諸兵衆
及諸姝女往阿脂羅河側而自娛樂即於彼
宿是時夜半有非時雲起暴風疾雨時流離
王及兵衆盡爲水所漂皆悉銷滅身壞命終
入阿鼻地獄中復有天火燒城內宮殿尔時
世尊以天眼觀見流離王及四種兵爲水所
漂皆悉命終入地獄中尔時世尊便說此偈
作惡爲極甚 皆由身口行 尔身亦受惱
壽命亦促短 設在家中時 爲火之所燒
若其命終時 必生地獄中
尔時衆多比丘白世尊言流離王及四部兵
今已命終爲生何處世尊告曰流離王者今

入阿鼻獄中諸比丘白世尊言今此諸釋昔
日作何因緣今爲流離王所害余時世尊告
諸比丘昔日之時此羅閱城中有捕魚村時
世極飢儉人食草根一斗金買一斗米時彼
村中有大池水又復饒魚時羅閱城中人民
之類往至池中而捕魚食之當於余時水中
有二種魚一名拘璫二名兩舌是時二魚
各相謂言我等於此衆人先無過失我是水
性之虫不處乾地此人民之類皆來食噉我
等設前世時少有福德者其當用報怨余時
村中有小兒年向八歲亦不捕魚復非害命
然後收魚在岸上者皆悉命終小兒見已極

懷歡喜比丘當知汝等莫作是觀。今時羅閱城中人民之類，豈異人乎？今釋種是也。今時拘瓊魚者，今流離王是也。今時兩舌魚者，今好苦梵志是也。今時小兒見魚在岸上而笑者，今我身是也。今時釋種坐取魚食，由此因緣無數劫中入地獄中，今受此對。我今時坐見而笑之，今患頭痛如似石墜，猶如以頭戴須彌山，所以然者，如來更不受形，已捨衆行。度諸厄難，是諸比丘由此因緣，今受此報。諸比丘當護身口意行，當念恭敬承事梵行人。如是諸比丘當作是學。今時諸比丘聞佛所說歡喜奉行。

聞如是一時佛在舍衛國祇樹給孤獨園。爾時世尊告諸比丘：「當天子欲命終時，有五未曾有瑞應而現在前。云何爲五？一者華冠自萎，二者衣裳垢坩，三者身體汗臭，四者不樂本座，五者天女星散。是謂天子當命終時有此五瑞應。爾時天子極懷愁憂，椎胸喚叫。爾時諸天子來至此天子所語：『此天子言汝今將來可生善處。』已生善處，快得善利。已得善利，當念安處善業。爾時諸天而教授之。爾時有一比丘白世尊言：『三十三天云何得生善處？云何快得善利？云何安處善業？』世尊告曰：『人間於天，則是善處。得善利者，生正見家。與

善知識從事於如來法中得信根是謂名為
使得善利彼云何名為安處善業於如來法
中而得信根剃除鬚髮以信堅固出家學道
彼已學道戒性具足諸根不缺飲食知足恒
念經行得三達明是謂名為安處善業尔時
世尊便說此偈

人為天善處

良友為善利

出家為善業

有漏盡無漏

比丘當知三十三天著於五欲彼以人間為
善趣於如來法得出家為善利而得三達所
以然者諸佛世尊皆出人間非由天而得也
是故比丘於此命終當生天上尔時彼比丘

白世尊云何比丘當生善趣世尊告曰涅槃者即比丘善趣汝今比丘當求方便得至涅槃如是比丘當作是學尔時諸比丘聞佛所說歡喜奉行

聞如是一時佛在舍衛國祇樹給孤獨園尔時世尊告諸比丘沙門出家有五毀辱之法云何爲五一者頭髮長二者爪長三者衣裳垢坩四者不知時宜五者多有所論所以然者多有論說比丘復有五事云何爲五一者人不信言二者不受其教三者人所不喜見四者妄言五者鬪亂彼此是謂多論說之人有此五事比丘當除此五而無邪想如是諸

比丘當作是學。爾時諸比丘聞佛所說歡喜奉行。

聞如是一時佛在舍衛國祇樹給孤獨園。爾時世尊與諸比丘五百人俱。爾時頻婆娑羅王勅諸群臣速嚴駕羽寶之車。吾欲至舍衛城親覲世尊。是時群臣聞王教勅，即駕羽寶之車前白王言：嚴駕已訖。王知是時，爾時頻婆娑羅王乘羽寶之車出羅閱城往詣舍衛城。漸至祇洹精舍，步入祇洹精舍。夫水灌頭。王法有五威容，悉捨之一面。至世尊所，頭面禮足。在一面坐。爾時世尊漸與說微妙之法。爾時王聞法已，白世尊言：唯願如來當在羅

閱城夏坐亦當供給衣被飲食牀敷卧具病瘦
醫藥尔時世尊默然受頻毗娑羅王請是時
王已見世尊默然受請即從座起頭面禮足
遶三帀便退而去還詣羅閱城入於宮中尔時
頻娑娑羅王在閑靜處便生此念我亦堪任
供養如來及比丘僧盡其形壽衣被飲食牀敷
卧具病瘦醫藥但當愍其下劣是時頻毗娑
羅王尋告群臣曰我昨日而生此念我能盡
形壽供養如來及比丘僧衣被飲食牀敷卧具
病瘦醫藥然復當愍諸下劣汝等各各相率
次第飯如來諸賢長夜受福無窮尔時摩竭
國王即於宮門前起大講堂復辦種種食具

尔時世尊出舍衛國及將五百比丘漸漸入
間遊化至羅閱城迦蘭陀竹園所是時頻毗
娑羅王聞世尊來至迦蘭陀竹園中尋時乘
羽寶之車至世尊所頭面禮足在一面坐尔
時頻娑羅王白世尊言我在閑靜之處便
生此念如我今日能供辦衣被飲食牀敷卧具
病瘦醫藥但念下劣之家即告群臣汝等各
各供辦飯食之具次第飯佛去何世尊此是
其宜爲非其宜世尊告曰善哉善哉大王多
所饒益爲天世人而作福田尔時頻毗娑羅
王白世尊言唯願世尊明日就宮中食尔時
頻毗娑羅王已見世尊默然受請時王尋起

頭面禮足便退而去。爾時世尊明日清旦著衣持鉢入城至王宮中。各次第坐。爾時王給以百味食。手自斟酌歡喜不亂。爾時頻婆娑羅王見世尊食訖除去鉢器。更取卑座在如來前坐。爾時世尊漸與王說微妙之法。令發歡喜之心。爾時世尊與諸大王及羣臣之類說微妙之法。所謂論者施論戒論生天之論。欲不淨想姪爲穢惡。出要爲樂。爾時世尊已知彼衆生心意開解無復狐疑。諸佛世尊常所說法苦習盡道。爾時世尊盡與說之。當於座上六十餘人。諸塵垢盡得法眼淨。六十大臣及五百天人。諸塵垢盡得法眼淨。爾時世

尊即與頻婆娑羅王及諸人民說此頌偈
祠祀火為上 書中頌為最 王為天中尊
衆流海為原 星中月照明 光明日為上
上下及四方 諸所有万物 天及世人民
佛為最尊上 欲求其福者 當供養於佛
尔時世尊說此偈已便從座起而去尔時羅
閱城中人民之類隨其貴賤從家多少飯佛
及比丘僧尔時世尊在迦蘭陀竹園中任國
界人民靡不供養者尔時羅閱城中諸梵志
等次應作食是時彼梵志集在一處各作此
論吾等各各出二兩金錢以供養具尔時羅
閱城中有梵志名曰雞頭極為貧匱趣自存

活無金錢可輸便爲諸梵志所駭遂使出衆
中是時雞頭梵志還至家中而告其婦卿今
當知諸梵志等所見駭遂不聽在衆所以然
者由無金錢故時婦報言還入城中隨人舉
債必當得之又語其主七日之後當相報償
設不償者我身及婦沒爲奴婢是時梵志隨
其婦言即入城中處處求索了不能得還至
婦所而告之曰吾所在求索了不能得當如
之何時婦報曰羅閱城東有大長者名不奢
蜜多羅饒財多寶可往至彼而求請之見與
二兩金錢七日之後自當相還設不償者我
身及婦沒爲奴婢是時梵志從婦受語往語

不奢蜜多羅從求金錢不過七日自當相還
若不相還者我與婦沒身為奴婢是時不奢
蜜多羅即與金錢是時雞頭梵志持此金錢
還詣婦所而告之曰已得金錢當何方宜時
婦報言可持此錢衆中輸之時彼梵志即持
金錢往衆中輸之諸梵志語此梵志曰我等辦具
已訖可持此金錢還歸所在不須住此衆中時彼
梵志即還到舍以此因緣向婦說之其婦報
言我等二人共至世尊所自宣微意尔時梵
志即將其婦至世尊所共相問訊在一面坐
又復其婦禮如來足在一面坐尔時梵志以
此因緣具白世尊尔時世尊告梵志曰汝今



可為如來及比丘僧辦具飲食。爾時梵志還
 願熟視其婦。時婦報曰：但隨佛教，不足疑難。
 爾時梵志即從座起，前白佛言：唯願世尊及
 比丘眾當受我請。是時世尊默然受梵志請。
 爾時釋提桓因在世尊後，叉手侍焉。爾時世
 尊迴顧謂釋提桓因：汝可佐此梵志共辦食。
 具釋提桓因白佛言：如是世尊。爾時毗沙門
 天王去如來不遠，將諸鬼神眾，不可稱計。遙
 扇世尊。是時釋提桓因語毗沙門天王曰：汝
 亦可佐此梵志辦此食具。毗沙門報曰：甚善。
 天王是時毗沙門天王前至佛所，頭面禮足。
 遶佛三匝，自隱其形，化作人像，領五百鬼神

供辦食具是時毗沙門天王勅諸鬼神汝等
速往至栴檀林中而取栴檀著鐵厨中。時
厨中有五百鬼神於中作食時釋提桓因告
自在天子曰毗沙門今日已造鐵厨與佛比
丘僧作飲食汝今可化作講堂使佛比丘僧
於中得飲食自在天子報曰此事甚佳是時
自在天子聞釋提桓因語去羅閱城不遠化
作七寶講堂所謂七寶者金銀水精琉璃馬
瑙赤珠車渠復化作四梯陛金銀水精琉璃
金梯陛上化作銀樹銀梯陛上化作金樹金
根金莖金枝金葉若復金梯陛上化作銀葉
銀枝水精梯陛上化作琉璃樹亦各雜種不

可稱計復以雜寶而廁其間復以七寶而覆其上周帀四面懸好金鈴然彼鈴聲皆出八種之音復化作好牀座敷以好蓐懸繒幡蓋世所希有尔時以牛頭栴檀然火作食羅閱城側十二由旬香熏遍滿其中是時摩竭國王告諸群臣我生長深宮初不聞此香羅閱城側何緣聞此好香群臣白王此是雞頭梵志在食厨中然天栴檀香是其瑞應是時頻婆娑羅王勅諸群臣速嚴駕羽寶之車吾欲往至世尊所問訊此緣是時諸臣報王如是大王頻婆娑羅王即往至世尊所頭面禮足在一面立尔時國王見此鐵厨中有五百人

作食見已便作是語此是何人所作飲食時
諸鬼神以人形報曰雞頭梵志請佛及比丘
僧而供養之是時國王復遙見高廣講堂問
侍人曰此是何人所造講堂昔所未有爲誰
所造群臣報曰不知此緣是時頻毗娑羅王
作是念我今可至世尊所而問此義然佛世
尊無事不知無事不見時摩竭國頻毗娑羅
王往世尊所頭面禮足在一面坐尔時頻毗
娑羅王白世尊言昔日不見此高廣講堂今
日見之昔日不見此鐵厨今日見之將是何
物爲是誰變世尊告曰大王當知此是毗沙
門天王所造鐵厨及自在天子作是講堂是

時摩竭國王即於座上悲泣交集不能自勝
世尊告曰大王何故悲泣乃至於斯時頻毗
娑羅王白佛言不敢悲泣但念後生民人不
覩聖興當來之人慳著財物無有威德尚不
聞此竒寶之名何況見乎今蒙如來有竒特
之變出現於世是故悲泣世尊告曰當來之
世國王人民實不覩此變今時世尊即與國
王說法使發歡喜之心王聞法已即從座而
去是時毗沙門天王即於其日語雞頭梵志
曰汝舒右手是時雞頭即舒右手毗沙門天
王即授與金鋌又告之曰以此金鋌投于地
上是時梵志即投于地上乃成百千兩金毗

沙門天王報曰汝持此金鋌入城中買種種
飯食持來此間是時梵志受天王教即持此
金入城買種種飯食持來廚所是時毗沙門
天王沐浴梵志與著種種衣裳手執香火教
白時到今正是時願尊屈願是時梵志即受
其教手執香爐而白時至唯願屈願今時世
尊已知時至著衣持鉢將諸比丘衆往至講
堂所各次第坐及比丘衆亦次第坐是時
雞頭梵志見飲食極多然衆僧復少前白世
尊言今日飲食極爲豐多然比丘僧少不審
云何世尊告曰汝今梵志手執香爐上高臺
上向東南西北並作是說諸釋迦文佛弟子

得六神通漏盡阿羅漢者盡集此講堂梵志
白言如是世尊是時梵志從佛受教即上樓
上請諸漏盡阿羅漢是時東方有二十一千
阿羅漢從東方來詣此講堂南方二十一千
西方二十一千北方二十一千阿羅漢集此
講堂今時講堂上有八萬四千阿羅漢集在
一處是時頻毗娑羅王將諸群臣至世尊所
頭面禮足及禮比丘僧是時雞頭梵志見比
丘僧已歡喜踊躍不能自勝以飯食之具飯
佛及比丘僧手自斟酌歡喜不乱然故有遺
餘之食是時雞頭梵志前白佛言今飯佛及
比丘僧故有遺餘飲食在世尊告曰汝今可

請佛及比丘僧七日中供養梵志對曰如是瞿曇是時雞頭梵志即前長跪白世尊言今請佛及比丘僧七日供養自當供給衣被飲食牀敷卧具病瘦醫藥尔時世尊默然受請尔時大衆之中有比丘及名舍鳩利是時比丘尼白世尊言我今心中生念頗有釋迦文佛弟子漏盡阿羅漢不集此乎又以天眼觀東方界南方西方北方皆悉觀之靡不來者皆悉雲集今此大會純是羅漢真人雲集世尊告曰如是舍鳩利如汝所言此之大會純是真人東西南北無不集者尔時世尊以此因緣告諸比丘汝等頗見比丘尼中天眼徹觀

如此比丘居等乎諸比丘對曰不見也世尊
亦時世尊告諸比丘我聲聞中第一弟子天
眼第一者所謂舍鳩利比丘居是時雞頭梵
志七日之中供養聖衆衣被飲食牀敷卧具病
瘦醫藥復以香華散如來上是時此華在空
中化作七寶交露臺是時梵志見交露臺已
歡喜踊躍不能自勝前白佛言唯願世尊聽
在道次得作沙門亦時雞頭梵志即得為道
已得為道諸根寂靜自修其志除去睡眠設
眼見色亦不起想念其眼根亦無惡想流馳
諸念而護眼根若耳聞聲鼻嗅香舌知味身
知細滑不起細滑之想意知法亦然時便

滅五結蓋覆弊人心者令人無智慧亦無殺
害之意而淨其心不殺不念殺不教人殺手
不執刀杖起仁慈之心向一切衆生除去不
與取不起盜心而淨其意恒有施心於一切
衆生亦使不盜己不婬泆亦復教人使不婬
泆恒修梵行清淨無瑕穢於梵行中而淨其
心亦不妄語亦不教人使行妄語恒念至誠
無有虛詐誑惑世人於中而淨其心復不兩
舌亦不教人使兩舌若此問語不傳至彼設
彼問語不傳至此於中而淨其意於食知足
不著氣味不著榮色不著肥白但欲支其形
體使全其命欲除故痛使新者不生得修行

道長處無爲之地猶如有男女以脂膏塗瘡者但欲除愈故也此亦如是所以於食知足者欲使故痛除愈新者不生或復是時達曉行道不失時節不失三十七道品之行或坐或行除去睡眠之蓋或初夜時或坐或行除去睡眠之蓋或中夜時右脇著地脚脚相累繫意在明彼復以後夜時或坐或經行而淨其意是時飲食知足經行不失時節除去欲不淨想無諸惡行而遊初禪有覺有觀息念待歡樂而遊二禪無有樂護念清淨自知身有樂諸賢所求護念清淨者而遊三禪彼苦樂以滅無有愁憂無苦無樂護念清淨遊於四

禪彼以三昧心清淨無瑕穢亦得無所畏復
得三明自憶無數世事彼便憶過去之事若
一生二生三生四生五生十生二十生三十
生四十生五十生百生千生萬生數千萬生
成劫敗劫成敗之劫我曾生彼處性某字某
食如此之食受如是苦樂壽命長短彼生此
死死此生彼因緣本末皆悉知之彼復以三
昧心清淨無瑕穢得無所畏觀衆生類生者
死者彼復以天眼觀衆生類生者死者善趣
惡趣善色惡色若好若醜隨行所種皆悉知
之或有衆生類身口意行惡誹謗賢聖造邪
業本身壞命終生地獄中或復有衆生身口

意行善不誹謗賢聖身壞命終生善處天上
復以清淨天眼觀衆生類若好若醜善趣惡
趣善色惡色皆悉知之得無所畏復施心盡
漏後觀此苦如實知之此是苦此是苦習苦
盡苦出要如實知之彼作是觀已欲漏心有
漏心無明漏心得解脫已得解脫便得解脫
智生死已盡梵行已立所作已辦更不復受
胎如實知之是時雞頭梵志便成阿羅漢
時尊者雞頭聞佛所說歡喜奉行

聞如是一時佛在舍衛國祇樹給孤獨園
時世尊告諸比丘世間五事最不可得云何
爲五應喪之物欲使不喪者此不可得滅盡

之法欲使不盡者此不可得夫老之法欲使
不老者此不可得夫病之法欲使不病者此
不可得也夫死之法欲使不死者此不可得
是謂比丘有此五事最不可得若如來出世
若如來不出世此法界恒住如故而不朽敗
有喪滅之聲生老病死若生若逝皆歸於本
是謂比丘此五難得之物當求方便修行五
根云何爲五所謂信根精進根念根定根慧
根是謂比丘行此五根已便成須陀洹家家
一種轉進成斯陀含轉進滅五結使成阿那
含於彼般涅槃不來此世轉進有漏盡成無
漏心解脫智慧解脫自身作證而自遊化更

不復受胎如實知之當求方便除前五事修
後五根如是比丘當作是學亦時諸比丘聞
佛所說歡喜奉行

聞如是一時佛在舍衛國祇樹給孤獨園亦
時世尊告諸比丘今有五人不
可療治云何
爲五一者諛諂之人不可療治
姦邪之人不可療治
惡口之人不可療治
嫉妬之人不可療治
五人不可療治亦時世尊便說此偈

姦邪惡口人 嫉妬無反復 此人不可療
智者之所棄

是故諸比丘常當學正意除去嫉妬修行威

儀所說如法當知反復識其恩養小恩常不
忘何況大者勿懷慳貪又不自譽復不毀他
人如是比丘當作是學今時諸比丘聞佛所
說歡喜奉行

聞如是一時佛在舍衛國祇樹給孤獨園
時世尊告諸比丘昔者釋提桓因告三十三
天曰若諸賢與阿須倫共鬪時設阿須倫不
如者諸天得勝汝等捉毗摩質多羅阿須倫
將來至此身為五繫是時毗摩質多羅阿須
倫復告諸阿須倫曰卿等今日與諸天共鬪
設得勝者便捉釋提桓因縛送此間比丘當
知今時二家共鬪諸天得勝阿須倫不如是

時三十三天躬捉毗摩質多羅阿須倫王束縛其身將詣釋提桓因所著中門外自觀被五繫是時毗摩質多羅阿須倫王便作是念此諸天法整阿須倫所行非法我今不樂阿須倫便當即住此諸天宮是時以生此念言諸天法整阿須倫非法我欲住此間作此念已。是時毗摩質多羅阿須倫王便自覺知身無縛繫五欲而自娛樂設毗摩質多羅阿須倫王生此念已言諸天非法阿須倫法整我不用此三十三天還欲詣阿須倫宮是時阿須倫王身被五繫五欲娛樂自然消滅比丘當知纏縛之急莫過此事魔之所縛復甚於

斯設興結使魔已被縛若不興結使魔已得
脫毀人魔被縛不毀人魔不被縛動魔被縛
不動魔不被縛是故諸比丘當求方便使心不
被縛樂閑靜之處所以然者此諸結使是魔
境界若有比丘在魔境界者終不脫生老病
死不脫愁憂苦惱我今說此苦際若復比丘
心不移動不著結使便脫生老病死愁憂苦
惱我今說此苦際是故比丘當學無有結使
越出魔界如是比丘當作是學亦時諸比丘
聞佛所說歡喜奉行

聞如是一時佛在舍衛國祇樹給孤獨園亦
時尊者阿難至世尊所頭面禮足在一面立

是時阿難白世尊言夫言盡者名何等法言
盡乎世尊告曰阿難色者無爲因緣而有此
名無欲無爲名滅之法彼盡者名曰滅盡痛
想行識無爲無作皆是摩滅之法無欲無汗
彼滅盡者故名滅盡阿難當知此五盛陰無
欲無作爲摩滅法彼滅盡者名爲滅盡此五
盛陰永以滅盡更不復生故名滅盡是時尊
者阿難聞佛所說歡喜奉行

聞如是一時佛在舍衛國祇樹給孤獨園介
時生漏梵志往至世尊所頭面禮足在一面
坐是時生漏梵志白世尊言云何瞿曇有何
因緣有何宿行使此人民之類有盡有滅有

減少者本爲城郭今日已壞本有人民今日
丘荒世尊告曰梵志欲知由此人民所行非
法故使本有城郭今日摩滅本有人民今日
丘荒皆由生民慳貪結縛習行愛欲之所致
故使風雨不時雨以不時所種根栽不得長
大其中人民死者盈路梵志當知由此因緣
使國毀壞民不熾盛復次梵志人民之類所
行非法便有雷電霹靂自然之應天降雹雨
壞敗生苗亦時人民死者難計復次梵志人
民之類所行非法共相諍競或以手拳相加
瓦石相擲各各自喪其命復次梵志彼人民
之類已共諍競不安其所國主不寧各興兵

衆共相攻罰至大衆中死者難計或有被刀
死者或有稍箭死者如是梵志由此因緣使
民減少不復熾盛復次梵志人民之類所行
非法故使神祇不祐而得其便或遭困厄疾
病著牀除降者少疫死者多是謂梵志由此
因緣使民減少不復熾盛是時生漏梵志白

世尊言瞿曇所說甚爲快哉說此人本減少
之義實如來教本有城郭今日摩滅本有人
民今日丘荒所以然者以有非法便生慳嫉
已有慳嫉便生邪業以邪業故使天雨不時
五穀不熟人民不熾故使非法流行天雨災
變壞敗生苗彼以行非法貪著慳嫉是時國

王不寧各興兵衆共相攻伐死者叵計故使
國土流荒人民迸散今日世尊所說甚善快
哉由非法故致此灾患正使爲他所捉便斷
其命由非法故便生盜心以生盜心後爲王
殺以生邪業非人得其便由此因緣便取命
終人民減少故使無有城郭之所居處瞿曇
今日所說已自過多猶如僂者得伸盲者得
眼目冥中得明無目者爲作眼目今沙門瞿
曇無數方便而說法我今重自歸佛法衆願
聽爲優婆塞盡形不敢復殺若沙門瞿曇見
我若乘象騎馬我由恭敬所以然者我爲王
波斯匿頻婆娑羅王優填王惡生王優陀延

王受梵之福我恐失此之德設我偏露右肩
時唯願世尊受我禮拜設我步行時見瞿曇
來我當去履唯願世尊受我禮拜今時世尊
領頭可之是時生漏梵志歡喜踊躍不能自
勝前白佛言我今重自歸沙門瞿曇唯願世
尊聽我為優婆塞

今時世尊漸與說法使發歡喜之心梵志聞
法已即從座起便退而去今時生漏梵志聞
佛所說歡喜奉行

增壹阿含經卷第二十六

馨

取釋

上正作娶七

也

儲

音除預

撲之

上正作撲

不

征之聲 行伐也 腐音壞 幢旗 麾下 旌誼 為反 揮也 以音 誓音 留音上

止也 鷄遲也 兀斷手 其足之 刑也 別刑 觸下 媯音 留音上

如鳥反 弄也 空虛 作下 正虛 負莫 質候 二反 同賣 捕音 提也 步也 又音

拘下 璫蘇 石壓 下音 垢坊 或下 作古 八反 輸反 式朱

納也 償音 還也 常也 佐此 上作 个也 梯上 陛下 上湯 蒲米 方反 反反 廁使 禡音

雜也 反問 金鋌 反下 亭頂 鳩利 求上 居下 淫下 泆反 或作

姪上 肥上 白非 胎下 膏高 音音 腸虛 業反 脅同 罍蘇 浪音

亡也 諛上 諂音 根下 栽音 哉非 碎上 歷上 二字 普覓 正霹 震音

疾也 曆雷 稍上 箭建 兵音 朝長 二丈 叵不 疋我 反覓 反霹 震音

諄必 反也 儻上 者呂 曲主 領上 頭五 感反 不可 也也 迸下 散下

增乙阿含經二十六卷

馨

